

„ D. Thomas falso, ac plane suppositio
 „ D. Augustini testimonio delusus ex Gra-
 „ tiano, & Magistro sententiarum bona fi-
 „ de transcripto; cujus suppositionem, &
 „ apocryphiam pro ætate sua, & in ea, qua
 „ laborabat probatorum Codicum penuria,
 „ deprehendere omnino non potuit. Sic
 „ enim Augustinum loquentem inducunt
 „ Magister sentent. lib. 4. dist. 30., & Gra-
 „ tianus Can. Sufficiat causa 27. qu. 2. B. Vir-
 „ go proposuit, se servaturam votum Virgini-
 „ tatis in corde, sed ipsum votum non expressit
 „ in ore. Subiecit se divina dispositioni; pro-
 „ posuit se perseveraturam Virginem, nisi Deus
 „ aliter ei revelaret. Committens ergo Virgi-
 „ nitatem suam divina dispositioni, consensit
 „ in carnalem copulam, illam non appetendo,
 „ sed divina inspiratione in utroque obediendo.
 „ Postea vero simul cum viro labiis expressit,
 „ & uterque in virginitate permansit. Quod

„ Augustini testimonio bona fide admissio;
 „ sententiam firmat, ac munit Doctor An-
 „ gelicus in 4. sentent. dist. 30. qu. 2. ar. 1.
 „ Nil tamen hujusmodi habet Augustinus,
 „ tum lib. de nuptiis, & Concupiscent., qui
 „ apud Magistrum sententiarum citatur ad
 „ marginem, tum lib. de S. Virginitate,
 „ qui apud Gratianum est adnotatus. Imo
 „ non pauca ex directo contraria habet ve-
 „ rus Augustinus. Quippe qui cap. 4. lau-
 „ dati lib. de S. Virginit., Deiparam ante
 „ desponsationem vovisse docet; non ita-
 „ que cum Josepho, Capite vero 12. lib. 5.
 „ contra Julianum expresse ait, Josephum
 „ diu post desponsationem, ac etiam post
 „ Angeli monitum vovisse; ac tum demum
 „ commiscenda carnis spem abiecit, dum
 „ Virginem divina fecunditate donatam
 „ vidit, Matthæus cap. 1. v. 20. Qua de
 „ re plenius loco sup.,

DISSERTATIO CCIX.

De Matrimonio inter Deiparam, & B. Josephum
 inito. An vere fuerit inter illos initum?
 An verum fuerit matrimonium? Qua
 de causa, & quo tempore fue-
 rit maxime celebratum?

Primo nobis se offerunt aliqui,
 qui dixerunt nec matrimonium,
 inter Deiparam, & B. Josephum
 fuisse initum, nec sponsalia
 contracta; sed tantum B. Vir-
 ginem fuisse traditam Josepho nomine
 desponsationis, ut eam custodiret, atque
 servaret; & hoc consilio Sacerdotum fuisse
 factum, tum quia non licebat amplius
 puellis post nubilem ætatem in templo
 permanere, tum etiam, quia mortui erant
 Parentes B. Virginis, adeoque non pote-
 rant ipsam illam tradere Sacerdotes: Un-
 de divino consilio factum putant, ut ab
 his Josepho traderetur, qui ex eadem cum
 Virgine familia, & Tribu, erat. Rem
 narrat Baronius in Apparatu n. 59. ex au-
 thoritate Gregorii Nysseni orat. de Sancta
 Christi nativitate; & Baronii, & Nyssen-
 ni simul verba sunt: „ Quid autem non
 „ sine divino consilio de Virgine statutum
 „ esset, Gregorius Nyssenus his verbis re-
 „ citat: Cum puella crevisset, & adulta
 „ esset, Sacerdotes consilium agitare, ne

„ quid de sacro illo corpore statuentes, in
 „ Deum peccarent, coeperunt. Nam subju-
 „ gare eam legi naturæ, & addicere quasi
 „ servam, si quis eam in matrimonium du-
 „ ceret, res longe absurdissima, minimeque
 „ decora videbatur. Sacrilegium enim
 „ prorsus existimabatur, si homo jus, ac
 „ potestatem in donarium, quod Deo con-
 „ secratum, & dedicatum esset, haberet:
 „ quoniam legibus sancitum, & constitutum
 „ est, ut vir potestatem habeat in uxorem:
 „ ut autem intra templum una cum Sacer-
 „ dotibus mulier versaretur, & in sanctis
 „ conspiceret, neque consuetum, neque
 „ usitatum erat, & simul gravitas, & ho-
 „ nestas rei non aderat. Deliberantibus
 „ igitur eis super hac re, divinitus incidit
 „ consilium, ut darent eam cuidam viro
 „ nomine desponsationis, is autem ad cu-
 „ stodiendam virginitatem ejus esset ido-
 „ neus. Inventus est igitur Joseph talis,
 „ qualem ratio consilii requirebat, ex ea-
 „ dem cum Virgine familia, & tribu;isque
 „ de consilio Sacerdotum sibi puellam de-